

Қазақстан Республикасы Үкіметінің 1997 жылғы 23 шілдедегі N 1150 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 1998 жылғы 1 сәуірдегі N 279 Қаулысы. Күші жойылды - Қазақстан Республикасы Үкіметінің 2003 жылғы 7 шілдедегі N 667 қаулысымен.

Қазақстан Республикасының Үкіметі қаулы етеді:

1. "Жолаушылар мен жүктерді әуе көлігімен тасымалдауды және Қазақстан Республикасының әуежайларында әуе кемелеріне, жолаушыларға және жүктерге қызмет көрсетуге байланысты әуежайлық қызметтерді лицензиялау туралы ережені бекіту туралы" Қазақстан Республикасы Үкіметінің 1997 жылғы 23 шілдедегі N 1150 қаулысына (Қазақстан Республикасының ПҰАЖ-ы, 1997 ж., N 34, 110-құжат) мынадай өзгерістер мен толықтырулар енгізілсін:

көрсетілген қаулымен бекітілген Жолаушылар мен жүктерді әуе көлігімен тасымалдауды және Қазақстан Республикасының әуежайларында әуе кемелеріне, жолаушыларға және жүктерге қызмет көрсетуге байланысты әуежайлық қызметтерді лицензиялау туралы ережеде:

4-тармақ мынадай редакцияда жазылсын:

"4. Әуе тасымалының құрамына лицензиялауға жататын жұмыстар мен қызмет көрсетулердің мынадай түрлері кіреді:

а) тұрақты емес негізде чартерлік рейстермен орындалатын жолаушылардың және/немесе жүктердің ішкі (Қазақстан Республикасының аумағымен шектелген) әуе тасымалы;

б) тұрақты негізде орындалатын жолаушылар мен олардың багажының, почтаның және/немесе жүктердің ішкі (Қазақстан Республикасының аумағымен шектелген) әуе тасымалы;

в) тұрақты емес негізде чартерлік рейстермен орындалатын жолаушылар мен олардың багажының, почтаның және/немесе жүктердің халықаралық әуе тасымалы;

г) тұрақты негізде орындалатын жолаушылар мен олардың багажының, почтаның және/немесе жүктердің халықаралық тасымалы";

5-тармақ мынадай редакцияда жазылсын:

"5. Әуежай қызметтерінің құрамына жұмыстар мен қызмет көрсетулердің лицензиялауға жататын мынадай түрлері кіреді:

а) аэродромды, күту, жинақталу және жолаушылар мен багажға қызмет

көрсету залдары бар аэровокзалдарды, багаж және жүк терминалдарын және олардың құрылғыларын ұстау, пайдалану;

б) жүктерді тексеруді, жеткізуді және тиеуді (түсіруді), жолаушыларды әуе кемесіне жеткізуді және отырғызуды, сондай-ақ жолаушылар мен жүктерді қарсы алуды және аэровокзал үйіне және жүктерді қоймаға жеткізуді қамтамасыз ету;

в) әуежайда болған кезеңде әуе кемелеріне жедел сервистік қызмет көрсету;

г) әуе кемелерін жанар-жағармай материалдарымен және арнайы сұйықтармен қамтамасыз ету;

д) әуежайдың аумағында әуе кемелеріне арнаулы автомобиль және электр көлігі құралдарымен, траптармен, қызмет көрсету, әуе кемелері мен олардың жолаушылар салондарын тазалау және жабдықтау";

9 - т а р м а қ т а :

"а" тармақша мынадай редакцияда жазылсын:

а) әуе кемелерін пайдаланушы болуы және жұмыстар мен қызмет көрсетулердің мәлімделген түрлерін орындай алатынын растайтын арнаулы ережемен бірге Қазақстан Республикасы берген немесе таныған пайдаланушы куәлігінің (сертификаты) болуы";

мынадай мазмұндағы "з" және "и" тармақшалармен толықтырылсын:

"з) жолаушыларды тұрақты тасымалдауды жүзеге асыру үшін кемінде екі жұмыс істейтін әуе кемесінің болуы;

и) тұрақты халықаралық тасымалдауды жүзеге асыру үшін, тұлға бұған қоса:

- Қазақстан Республикасының резиденті болуы;

- авиакомпанияның Халықаралық азаматтық авиация ұйымында (ИКАО) тіркелгендігі туралы куәлікті иеленуі;

- екі әріптік желілік коды мен үш цифрлы Қатаң Есептілік Бланкілерінің (ҚЕБ) коды бар тасымалдау құжаттамасын иеленуі тиіс".

10-тармақта "а" және "е" тармақшалары мынадай редакцияда жазылсын:

"а) әуежайдың (аэродромның) пайдаланушысы немесе олардың жұмыстың және қызмет көрсетулердің мәлімделген түрлерін орындай алатынын растайтын тиісті сертификаты (куәлігі немесе басқа да құжаттары) бар басқа тұлға болуы;

е) аэродромның, әуежайдың жабдықтары мен әуе кемелеріне, жолаушыларға және жүктерге қызмет көрсетуге байланысты технологиялық процестерінің сертификаттардың (куәліктердің) нормалары мен талаптарына сәйкес келуін қамтамасыз етуі";

11 - т а р м а қ т а :

"в" тармақшадағы "заңды тұлға" деген сөздерден кейін "жедел ақпарат жөніндегі кодтардың кәртішкелері" деген сөздермен толықтырылсын;

мынадай мазмұндағы "ж" және "з" тармақшаларымен толықтырылсын;

"ж) мәлімдеуші олардың сертификаттары мен ұшуға жарамдылығы куәлігінің көшірмелерін қоса беру арқылы, әуе тасымалының мәлімделген түрі мен көлемін орындау үшін мәлімдеуші пайдаланбақ әуе кемелері паркіндегі меншік құқығы немесе басқа да заңды негіздемелер (үлгілері, саны, борттық тіркеу нөмірлері, ресурстары), орналасқан жері және т.с.с. туралы құжаттар;

з) тасымалдау құжаттамаларының көшірмелері";

12-тармақтағы "б" тармақша мынадай редакцияда жазылсын:

"б) жұмыстар мен қызмет көрсетулердің мәлімделген түрлерін орындай алатынын растайтын сертификаттардың (куәліктердің) және басқа да құжаттардың көшірмелері";

мынадай мазмұндағы "д" тармақшамен толықтырылсын:

"д) құрылтай құжаттары мен мәлімдеушінің жұмыстардың мәлімделген түрлеріне пайдаланбақ мүлікке құқығын растайтын құжаттардың көшірмелері";

28-тармақ мынадай мазмұндағы екінші абзацпен толықтырылсын:

"Лицензиялар мемлекеттік және Халықаралық азаматтық авиация ұйымы (ІСАО) таныған халықаралық, орыс және ағылшын тілдерінде, бекітілген нысан бойынша ресімделеді".

Қазақстан Республикасының

Премьер-Министрі